



J.P. DEPONJA d.o.o. Mostar

Vrapčići bb
88113 Mostar
Bosna i Hercegovina

tel/fax: + 387 36 576 332
e-mail: jpdeponija@bih.net.ba
PDV broj: 227580800008
ID broj: 4227580800008

**Broj: 1002/16-DP
Mostar, 15.09.2016.**

Na osnovu člana 100. stav (3) Zakona o javnim nabavkama („Službeni glasnik BiH“ broj. 39/14), rješavajući po žalbi ponuđača *OIL-AC d.o.o. Mostar broj: 44-RP/2016 od 08.09.2016. godine*, izjavljene na *Odluku o izboru najpovoljnijeg ponuđača broj: 940/16-DP* koja je dostavljena ponuđačima *30.08.2016.godine*, u postupku javne nabavke roba – Dizelsko gorivo (EN 590), Ugovorni organ JP Deponija d.o.o. Mostar (u daljem tekstu: Ugovorni organ) donosi sljedeće

RJEŠENJE

Žalba žalitelja se **uvažava**, te se **u potpunosti poništava** *Odluka o izboru najpovoljnijeg ponuđača broj: 940/16-DP od 29.08.2016.god.*, u Otvorenom postupku javne nabavke roba – Dizelsko gorivo (EN 590), kojom je kao najpovoljniji ponuđač proglašen **HIFA d.o.o. Tešanj**, te se donosi

ODLUKA

Kojom se za najpovoljnijeg ponuđača u pomenutom postupku proglašava drugorangirani ponuđač **OIL-AC d.o.o. Mostar** sa ukupnom cijenom od **70.400 KM**.

O b r a z l o ž e n j e

Postupak javne nabavke je pokrenut odlukom o pokretanju otvorenog postupka javne nabavke broj: 823/16-DP od 19.07.2016. godine.

Obavještenje o nabavci bez prilaganja tenderske dokumentacije je objavljeno na portalu javnih nabavki dana 20.07.2016. pod brojem 553-1-1-111-3-6/16.

Iz Zapisnika sa otvaranja ponuda od 22.08.2016.godine, utvrđeno je da je Komisija blagovremeno i pravilno izvršila otvaranje i pregled prispjelih ponuda, o čemu je sačinjen odgovarajući Zapisnik od 22.08.2016. u kojem je utvrđeno sljedeće:

Do 22.08.2016. u 12:00 sati, blagovremeno su zaprimljene (2) ponude i to od ponuđača: Hifa d.o.o. Tešanj, sa ukupnom cijenom od 68.640,00 KM te Oil-AC d.o.o. Mostar sa ukupnom cijenom od 70.400,00 KM.

Komisija je dana 26.08.2016.godine izvršila ocjenu ponuda i sačinila Odgovarajući zapisnik na osnovu kriterija za izbor ponuđača – tehnički zadovoljavajuća ponuda sa najnižom cijenom, u skladu sa uslovima iz tenderske dokumentacije, te predložila „da se Okvirni sporazum na godinu dana u otvorenom postupku javne nabavke roba – Dizelsko gorivo (EN 590) potpiše sa ponuđačem „HIFA d.o.o. Tešanj“ jer je njihova ponuda ocijenjena kao ponuda sa najnižom cijenom od KM 68.640,00 (sa PDV-om) uz zadovoljenje svih traženih uslova iz tenderske dokumentacije, odnosno kao najpovoljnija ponuda.“

Preporuka Komisije je prihvaćena, te je donesena *Odluka o izboru najpovoljnijeg ponuđača broj: 940/16-DP od 29.08.2016.god.*, te je ista elektronski dostavljena ponuđačima 30.08.2016.god.

Ponuđač OIL-AC d.o.o. Mostar je 01.09.2016. godine dostavio Zahtjev za uvid u ponudu odabranog ponuđača, što je i omogućeno ovlaštenom predstavniku OIL-AC d.o.o. Mostar, dana 02.09.2016. u prostorijama Ugovornog organa u prisustvu Komisije za JN.

Ugovorni organ je dana 14.09.2016. godine zaprimio *Žalbu ponuđača OIL-AC d.o.o. Mostar (poslana preporučenom pošiljkom 08.09.2016.god.)* uloženu na Odluku o izboru najpovoljnijeg ponuđača broj: 940/16-DP. Ispitujući Žalbu Ugovorni organ je utvrdio da je ista, u skladu sa Članom 101. Zakona, blagovremena, dopuštena i podnesena od ovlaštenog lica.

Ponudač-Žalitelj je u žalbi naveo da je nakon izvršenog Uvida u ponudu izabranog ponuđača HIFA d.o.o. Tešanjski ustanovio „kako je Ugovorno tijelo napravilo propust prigodom kvalificiranja i ocjenjivanja kako općih tako i posebnih uvjeta za tehničku i profesionalnu sposobnost ponuditelja, sukladno članku 48. i 49. Zakona o javnim nabavama BiH“ i to konkretno:

- Kao opis činjeničnog stanja se navodi da je ponudač HIFA d.o.o. Tešanjski u svojoj ponudi na str. 47 dostavio dokument OPC a koji se odnosi na firmu HIFA d.o.o. Tešanjski za prodajni objekt – benzinska pumpa u Sarajevu, općina Ilidža, na adresi Rakovička cesta bb, što je direktna povreda odredbi ove tenderske dokumentacije, a taksativno naznačene pod Tačkom 10. na stranici 5. TD, kojom se zahtijevalo da ponudač nominuje jedno prodajno mjesto sa kojeg će obavljati sukcesivnu isporuku predmetnog goriva tokom trajanja Okvirnog sporazuma. Ujedno istom TD pod Tačkom 19. na stranici 9. se zahtijevalo da ponudač dostavi OPC obrazac sa benzinske pumpe koju je i nominovao za vršenje isporuke goriva.
- Pošto je prvorangirani ponudač (HIFA d.o.o. Tešanjski) na stranici 48. Ponude, dostavio Izjavu da će isporuku obavljati sa benzinske pumpe HIFA d.o.o. Tešanjski – Poslovna jedinica Mostar, a da će fakturisati po cijenama druge benzinske pumpe, to je, kako ističe Žalitelj, vidno odstupanje od traženih zahtjeva i time i direktna povreda TD.
- Prema stavu Žalitelja, prethodno navedeno ima za posljedicu diskvalifikaciju iz ovog postupka JN za ponuđače koji nisu dostavili dokumentaciju sukladno TD i time ne zadovoljavaju uslove utvrđene istom, a sve prema Članu. 44, stav (6) Zakona o javnim nabavkama, te je evidentno da Komisija za javne nabavke nije postupila sa dovoljnom pažnjom i nije evidentirala ova odstupanja te je na taj način učinila bitne povrede odredaba Zakona.
- Na kraju Žalitelj predlaže sljedeće: „*Kako je ovdje nedvojbeno utvrđeno da su članovi Povjerenstva u ime Ugovornog organa napravili bitne povrede Zakona o javnim nabavkama BiH i pogrešno procijenili zahtjeve iz natječajne dokumentacije i dostavljene dokaze o ispunjenju zahtjeva, te pogrešno primijenili propise iz područja nabave, čime su se stekli uvjeti za poništenje spomenute Odluke Ugovornog organa i postupanja sukladno Zakonu, odnosno Ugovorno tijelo je obvezno ugovor dodijeliti ponuditelju koji ispunjava sve kvalifikacijske uvjete i čija je ponuda u potpunosti sukladna kako natječajnoj dokumentaciji tako i odredbama Zakona o javnim nabavama.*“

Postupajući po Žalbi Ugovorni organ je zaključio da je ista *blagovremena, dopuštena i podnesena od ovlaštenog lica*, te je pristupio ponovnom uvidu u raspoloživu dokumentaciju predmetnog postupka i analizi svih dokaza i zaključio u skladu sa Članom 100. stav (3) Zakona, da je Žalba u cijelosti *osnovana* te je odlučeno kao u dispozitivu.

Rješenje stupa na snagu danom donošenja i biće dostavljeno svim ponuđačima koji su učestvovali u predmetnom postupku javne nabavke.

Pravna pouka:

Protiv ovog Rješenja može se izjaviti žalba Uredu za razmatranje žalbi BiH, putem Ugovornog organa, u roku od pet (5) dana od dana prijema Rješenja



DIREKTOR
Abdurahman Bećirović, dipl. oecb

Dostavljeno:

- OIL-AC d.o.o. Mostar
- HIFA d.o.o. Tešanjski
- Komisiji za JN
- a/a